

c.792—804 Si quid, quod absit, contra christianae auctoritatem religionis principes agere inter vos saeculares inveniantur, ammoneant eos sedula sacerdotes Christi praedicatione malas amittere^a consuetudines, et bonis potestatem suam ornare moribus, et ut
 Luc. 16, 18. vivant in castitate, unam habentes uxorem secundum evangelicae^b praeceptum auctoritatis¹; iustissimoque iudicio causas discernant populi, et misericordiam faciant in
 Ps. 54, 24. pauperes et miseros. Non sint veloces ad humanum fundendum sanguinem, quia 'viri sanguinum', sicut sacer psalmus cantat, 'non dimidiabunt dies suos'. Si felicitatem praesentis cupiant habere regni et potestatis, sciant se aliter habere non posse, nisi Deo praestante; nec futurae beatitudinis gloriam possidere, nisi domini nostri Iesu Christi misericordia donante. Idcirco omni intentione evangelicis inhereant praeceptis, 10 ut benedictione divina confirmentur in regno praesenti, et perpetuum cum sanctis Dei recipere digni inveniantur.

Quicumque vero monachicae vitae conversationem^c Deo promiserint, sciant se
 Eccle. 5, 3. debitores esse implere quod promiserunt, dicente scriptura: 'Vovete^d et reddite domino
 ib. 5, 4. Deo vestro'. Et iterum: 'Melius est non vovere, quam votum non implere'. Fiat 15 illorum conversatio casta et honesta, absque omni reprehensione, Deo placabilis, hominibusque honorabilis, non in comessionibus^e et ebrietatibus, non in cubilibus et in in-
 Rom. 13, 13. pudiciis, sed induant se ipsos exemplis domini nostri Iesu Christi, lucentes inter saeculares, sicut stellae in caelo fulgentes, ut illorum lumine inlustrati multi exhortentur mundi huius fugere voluptates, et numero illorum se ipsos congregare studeant. 20

Feminarum siquidem monasteria sint in castitate virginali Deo, casto corpore, in pudicitia et humilitate servientes. Si caelestem regem elegerunt^f sibi sponsum, caelesti sponso debitam^g studeant custodire castitatem, quatenus cum beatissima genitrice Dei, semperque virgine sancta Maria per supernas habitationes agnum sequi, quocumque ierit, mereantur. 25

Omnes siquidem commune sanctae caritatis praecepta integra perfectione conservare conentur, in qua signum discipulatus sui deus Christus constituit dicens: 'In hoc cognoscent omnes, quia mei discipuli estis, si dilectionem habueritis ad invicem'. Singuli humilitatem habeant in discendo, et devotionem in docendo, et diligentiam in misericordiae operibus ad pauperes et miseros: nullusque senior sive iunior, saecularis 30 vel monasterialis, vir aut femina sua erubescat confiteri peccata, atque per poenitentiam emendare, quicquid contra Dei voluntatem fecisset². Melius est habere unum hominem testem peccatorum suorum in salutem animae suae, quam spectare^h accusationem diabolicae fraudis ante iudicem omnium saeculorum, et ante angelorum choro, et totius humani generis multitudinem. Dum vero homo vivit in hoc saeculo, fructuosa 35 est confessio et poenitentia; in futuro scilicet iudicio poenitentia erit peccatorum, sed non fructuosa, quia unusquisque iudicabitur secundum opera sua. Metuant criminosi et peccatis onerati aeternorum flammis tormentorum. Gaudeant iusti, etiam et poenitentes de perpetuae beatitudinis gloria cum Christo, qui ait: 'Ibunt impii in ignem
 Matth. 25, 46. aeternum, iusti autem in vitam aeternam'. Et alibi: 'Iusti fulgebunt sicut sol in regno 40 patris eorum'.

Orantem pro nobis beatitudinem vestram deus Christus perpetua prosperitate custodire dignetur, domini desiderantissimi patres, fratres, filii et amici.

^a) ammittere H. ^b) euangelici H. ^c) conversatione H. ^d) Vovite H. ^e) comesationibus H.
^f) eligerent H. ^g) debita H. ^h) spectari H.

1) Cf. supra p. 179. 2) Cf. supra p. 217; Alc. de virtut. et vit. c. 12 (ed. Froben. II, 134).